



29/7/25  
NOVO

**ACORDO ENTRE A CONSELLERÍA DE EDUCACIÓN, CIENCIA, UNIVERSIDADES E FORMACIÓN PROFESIONAL E AS ORGANIZACIÓNS EMPRESARIAIS E SINDICAIS DO ENSINO PRIVADO CONCERTADO DE GALICIA SOBRE AS CONDICIÓNS DA XUBILACIÓN PARCIAL DO PROFESORADO EN PAGO DELEGADO.**

Santiago de Compostela, ... de... de 2025

**Reunidos:**

Dunha parte, ... da Consellería de Educación, Ciencia, Universidades e Formación Profesional

doutra, as organizacións empresariais e sindicais asinantes ao final deste documento,

**Expoñen:**

O artigo 56 do VII Convenio colectivo de empresas de ensinanza privada sostidas total ou parcialmente con fondos públicos di que os empresarios e os seus traballadores, de mutuo acordo, poderán tramitar os sistemas de xubilacións anticipadas previstas na lexislación vixente e, a disposición adicional oitava establece que as comunidades e cidades autónomas poderán acadar acordos sobre:

*"7) Medidas que favorezan a xubilación, tanto parcial coma total, dos traballadores"*

O Real Decreto Lexislativo 8/2015, do 30 de outubro, polo que se aproba o texto refundido da Lei Xeral da Seguridade Social (TRLXSS), e normativa concordante, regulan as condicións de acceso á xubilación parcial das persoas traballadoras.

O día 28 de agosto de 2024 asinouuse o acordo sobre as condicións de acceso á xubilación parcial do profesorado de centros docentes privados concertados en réxime de pago delegado, entre a Consellería de Educación, Ciencia, Universidades e Formación Profesional e as organizacións empresariais e sindicais do sector, publicado por Resolución da Dirección Xeral de Centros e Recursos Humanos do 6 de setembro de 2024 no DOG do 18 de setembro.

A cláusula sétima do devandito Acordo establece, en relación co período da súa vixencia, o seguinte:

*"1. Este acordo terá efectos a partir do 1 de setembro de 2024 e rematará o 31 de agosto de 2029, ou no momento en que se produza a entrada en vigor dalgunha modificación na normativa aplicable respecto das condicións ou dos requisitos de acceso á xubilación parcial".*



O Real decreto-lei 11/2024, do 23 de decembro, para a mellora da compatibilidade da pensión de xubilación co traballo (BOE do 24 de decembro de 2024), introduce diversas modificacións nos artigos do TRLXSS e do Texto refundido da Lei do Estatuto dos Traballadores (ET), que entraron en vigor 1 de abril de 2025 e implican cambios substanciais tanto nas condicións da xubilación parcial como nas do contrato de relevo.

Polo tanto, este cambio normativo determina a perda de vixencia do Acordo do 28 de agosto de 2024 derivada da modificación da normativa aplicable en materia de xubilación parcial.

E malia non existir ningunha relación laboral entre o colectivo do profesorado dos centros docentes privados concertados en réxime de pago delegado e a Administración educativa, pois esta última límitase a aboar o salario e demais complementos retributivos establecidos pola normativa vixente como pagamento delegado e en nome da titularidade do centro, a conveniencia de manter medidas que faciliten o acceso á xubilación parcial deste profesorado ata o remate da vixencia do actual período de concertos educativos o 31 de agosto de 2029, tal e como estaba previsto no Acordo do 28 de agosto de 2024, xustifica a negociación dun novo acordo adecuado á normativa actualmente vixente, para seguir favorecendo a posibilidade de acceder á xubilación parcial deste profesorado.

Logo da consulta levada a cabo no ámbito da Comisión Tripartita do Ensino Privado Concertado, previa a autorización do Consello da Xunta de Galicia, as partes asinantes acadan o acordo sobre as condicións da xubilación parcial do profesorado do ensino privado concertado de Galicia, conforme ás seguintes

## CLÁUSULAS:

### Primeira. Obxecto e ámbito de aplicación

1. O obxecto deste acordo é establecer as condicións específicas para o acceso á xubilación parcial do profesorado incluído no réxime de pago delegado nos centros docentes privados concertados da Comunidade Autónoma de Galicia, sempre que reúna os requisitos establecidos na lexislación laboral e da Seguridade Social.
2. Así mesmo, ten por obxecto concretar os termos nos que Administración educativa asume os gastos salariais e de seguridade social derivados do contrato a tempo parcial do xubilado parcial **ata que teña dereito á pensión de xubilación por haber cumprido os requisitos do artigo 205.1.a) do TRLXSS**, ou se extinga por calquera outra causa, así como os gastos derivados do contrato de relevo que deberá concertarse de forma simultánea.
3. Tamén poderán acceder á xubilación parcial as persoas cooperativistas de conformidade co establecido no artigo 215.6 do TRLXSS, sempre que reúnan os requisitos establecidos **neste acordo**.



4. Queda excluído do ámbito de aplicación deste acordo o profesorado substituto.

### **Segunda. Requisitos específicos para acceder á xubilación parcial**

1. O persoal docente dos centros privados concertados da Comunidade Autónoma de Galicia poderá acceder á xubilación parcial nos termos previstos neste acordo, cando reúna todos os requisitos específicos indicados a seguir:

a) Estar vinculado coa súa empresa educativa (centro docente concertado) por un contrato de traballo de duración indefinida e xornada completa (25 horas semanais).

b) Permanecer durante un mínimo de 6 anos ininterrompidos e inmediatamente anteriores á data de inicio da xubilación parcial impartindo ensinanza nunha unidade concertada en xornada completa e, en consecuencia, incluído no réxime de pagamento delegado.

c) Que o período de tempo que medie entre a data de inicio da xubilación parcial e a data en que a persoa xubilada parcialmente **teña dereito á pensión de xubilación por haber cumprido os requisitos do artigo 205.1.a) do TRLXSS** sexa igual ou inferior a un ano.

d) Reducir un 75 por cento a súa xornada de traballo (18 horas lectivas semanais), o que se concretará no contrato de traballo a tempo parcial (xornada lectiva de 7 horas semanais) que subscribirá o centro docente coa persoa xubilada parcial, ata que **teña dereito á pensión de xubilación por haber cumprido os requisitos do artigo 205.1.a) do TRLXSS** ou ata que a relación se extinga por calquera outra causa.

### **Terceira. Requisitos específicos para o contrato de relevo**

1. Para que o persoal docente en pago delegado poida acceder á xubilación parcial, simultaneamente deberá concertarse un contrato de relevo nos termos que establece o artigo 12.6 do Estatuto dos Traballadores.

2. A persoa remudista deberá estar en posesión da titulación/habilitación que lle permita impartir a docencia nas mesmas ensinanzas e niveis educativos que a persoa xubilada parcialmente, de forma que quede cuberta a xornada de 18 horas lectivas semanais en que se reduce a xornada daquela. ✓

Para facilitar a contratación de persoal docente incluído na "*Bolsa de recolocación*" creada polo Acordo de 14 de xuño de 2023 asinado entre esta consellería e as organizacións empresariais e sindicais do ensino privado concertado de Galicia sobre medidas de recolocación do profesorado



afectado pola modificación das unidades concertadas, a persoa representante legal do centro deberá acreditar que previamente á contratación da persoa remudista solicitou a relación actualizada das persoas a través a aplicación informática *centrosprivados*.

3. A partir da data na que a persoa xubilada parcial **cumpra os requisitos do artigo 205.1.a) do TRLXSS para ter dereito á pensión de xubilación**, a xornada do contrato de relevo regularizarase coas sete (7) horas que viña desempeñando a persoa parcialmente xubilada, para axustarse ao cen por cen da xornada desta antes de acceder á xubilación parcial.

Así mesmo, a partir desa data a Administración non asumirá en ningún caso un custo de horas lectivas que supere ás fixadas no concerto aprobado para o centro, conforme ao establecido nos módulos aprobados pola lei de orzamentos correspondente.

#### Cuarta. Censo coa previsión de xubilacións parciais anuais

1. Os centros docentes elaborarán un censo, conforme ao modelo que figura como **anexo I** deste acordo, no que indicarán a relación de persoas que previsiblemente poidan acceder á xubilación no 2025 e nos sucesivos anos 2026, 2027 e 2028.

2. O devandito censo, que terá efectos informativos e de previsión orzamentaria no correspondente exercicio, deberá remitirse á Dirección Xeral de Centros e Recursos Humanos nas seguintes datas límite:

| ANO  | DATA                                                       |
|------|------------------------------------------------------------|
| 2025 | Nos dez días seguintes á data de efectividade deste acordo |
| 2026 | 31 de xaneiro                                              |
| 2027 |                                                            |
| 2028 |                                                            |

#### Quinta. Presentación e tramitación das solicitudes de acceso á xubilación parcial no ámbito do presente acordo

1. O persoal docente que, no ámbito do presente acordo, pretenda acceder á xubilación parcial, simultaneamente á presentación da solicitude ante a entidade xestora da Seguridade Social deberá presentar no seu centro de traballo a solicitude de xubilación parcial conforme ao **anexo II** deste acordo, xunto coa documentación necesaria para verificar o cumprimento dos requisitos específicos, concretamente:



- a) Contrato/s de traballo que acredite/n os requisitos que establece a cláusula segunda 1a) e b).
- b) Informe de vida laboral ou un informativo de xubilación parcial.
- c) Nota informativa da entidade xestora da Seguridade Social sobre se a persoa reúne os requisitos para acceder á xubilación parcial na data indicada na súa solicitude.

2. Nos dous días hábiles seguintes á presentación da solicitude do anexo II, a titularidade do centro remitirá esta e a documentación que a acompañe ao correspondente departamento territorial desta consellería.

3. Así mesmo, a titularidade do centro remitirá ao dito departamento territorial:

- a) Resolución da entidade xestora da Seguridade Social de aprobación da pensión de xubilación parcial.
- b) O contrato de traballo a tempo parcial formalizado co persoal docente parcialmente xubilado e o contrato de relevo. Con independencia da data na que se asinen estes contratos, a súa data de efectos será en todo caso a data de inicio da xubilación parcial.
- c) Ademais, se o remudista non procede da bolsa de recolocación, achegará unha declaración responsable de tela consultado.

4. En caso de detectar algunha deficiencia na documentación presentada ou se esta está incompleta, a unidade xestora do departamento territorial comunicará esta incidencia á titularidade do centro para que emende ou complete o expediente á maior brevidade posible.

5. A información específica mencionada para xestionar estas solicitudes gravarase na aplicación informática de xestión *centrosprivados*.

#### **Sétima. Resolución das solicitudes de acceso á xubilación parcial no ámbito do presente acordo**

1. Unha vez incorporada toda a documentación ao expediente, se a unidade xestora do departamento territorial constata que a persoa solicitante e o remudista cumpren todos os requisitos, fará efectiva no réxime de pago delegado a redución da xornada e proporcional de retribucións do/a xubilado/a parcial e a inclusión do/a remudista, con efectos da respectiva data de inicio da xubilación parcial e do contrato de relevo indicada na cláusula segunda apartado 1 letra c) deste acordo.

2. En caso contrario, a unidade xestora do departamento territorial comunicarlle á persoa solicitante que non reúne os requisitos establecidos neste acordo e que lle dá traslado do expediente á Dirección Xeral de Centros e Recursos Humanos a fin de que se dite a correspondente resolución.



#### **Oitava. Extinción da xubilación parcial**

Cando a situación de xubilación parcial se extinga porque a persoa xubilada parcialmente teña dereito á pensión de xubilación por haber cumprido os requisitos do artigo 205.1.a) do TRLXSS ou por calquera outra causa, a unidade competente do departamento territorial realizará o axuste das correspondentes horas do contrato de relevo conforme ao indicado na cláusula terceira deste acordo con efectividade do día seguinte ao do remate.

#### **Novena. Seguimento do acordo**

A Consellería de Educación, Ciencia, Universidades e Formación Profesional e as organizacións empresariais e sindicais do ensino privado concertado que asinan este acordo efectuarán o seu seguimento a través da Comisión Tripartita do Ensino Privado Concertado de Galicia.

#### **Décima. Período de vixencia e aplicación**

1. Este acordo producirá efectos a partir da data da súa sinatura e rematará o 31 de agosto de 2029, isto é, na data de remate o actual período de concertos educativos, ou no momento que se produza a entrada en vigor dalgunha modificación na normativa aplicable respecto das condicións ou requisitos de acceso á xubilación parcial.

2. O persoal docente que inicie a xubilación parcial no ámbito deste acordo despois do 31 de agosto de 2028, permanecerá o tempo que reste ata o 31 de agosto de 2029.

**Polas organización sindicais:**

**Polas organizacións empresariais:**



## ANEXO I

### PREVISIÓN DE DOCENTES QUE PODERÁN ACCEDER Á XUBILACIÓN PARCIAL NO PERÍODO 2025-2029

|                         |             |           |          |       |                  |       |       |
|-------------------------|-------------|-----------|----------|-------|------------------|-------|-------|
| DATOS DO CENTRO DOCENTE |             |           |          |       | CÓDIGO DE CENTRO |       |       |
| TIPO                    | NOME DA VÍA |           |          | NÚM.  | BLOQ.            | ANDAR | PORTA |
| PARROQUIA               |             |           |          | LUGAR |                  |       |       |
| CÓDIGO POSTAL           |             | PROVINCIA | CONCELLO |       | LOCALIDADE       |       |       |

|                                                                                                               |                  |                 |     |
|---------------------------------------------------------------------------------------------------------------|------------------|-----------------|-----|
| E, NA SÚA REPRESENTACIÓN (deberá acreditarse a representación fidedigna por calquera medio válido en dereito) |                  |                 |     |
| NOME                                                                                                          | PRIMEIRO APELIDO | SEGUNDO APELIDO | NIF |

|                                                                                                                                                                                                                                   |                    |
|-----------------------------------------------------------------------------------------------------------------------------------------------------------------------------------------------------------------------------------|--------------------|
| DATOS PARA OS EFECTOS DE NOTIFICACIÓN                                                                                                                                                                                             |                    |
| Todas as notificacións ás persoas interesadas realizaranse só por medios electrónicos a través do Sistema de notificación electrónica de Galicia-Notifica.gal <a href="https://notifica.xunta.gal">https://notifica.xunta.gal</a> |                    |
| Só se poderá acceder á notificación co certificado electrónico ou Chave365.                                                                                                                                                       |                    |
| Enviaranse avisos da posta á disposición da notificación no correo electrónico e/ou teléfono móbil facilitados a seguir e que poderán cambiar en calquera momento a través de Notifica.gal:                                       |                    |
| TELÉFONO MÓBIL                                                                                                                                                                                                                    | CORREO ELECTRÓNICO |

| PREVISIÓN DO PERSOAL DOCENTE QUE PODERÁ ACCEDER Á XUBILACIÓN PARCIAL |                 |     |           |                           |                                          |                             |
|----------------------------------------------------------------------|-----------------|-----|-----------|---------------------------|------------------------------------------|-----------------------------|
| ANO                                                                  | NOME E APELIDOS | NIF | DATA      |                           | REDUCCIÓN DA XORNADA<br>(75% . 18 HORAS) | BASE REGULADORA<br>ESTIMADA |
|                                                                      |                 |     | NACEMENTO | PREVISTA PARA O<br>ACCESO |                                          |                             |
|                                                                      |                 |     |           |                           |                                          |                             |
|                                                                      |                 |     |           |                           |                                          |                             |
|                                                                      |                 |     |           |                           |                                          |                             |

|                                            |   |    |    |  |
|--------------------------------------------|---|----|----|--|
| SINATURA DA PERSOA REPRESENTANTE DO CENTRO |   |    |    |  |
| Lugar e data                               |   |    |    |  |
|                                            | , | de | de |  |

DIRECCIÓN XERAL DE CENTROS E RECURSOS HUMANOS





## ANEXO II

## SOLICITUDE DE ACCESO Á XUBILACIÓN PARCIAL

| DATOS DA PERSOA SOLICITANTE |             |                  |                    |                 |            |       |       |
|-----------------------------|-------------|------------------|--------------------|-----------------|------------|-------|-------|
| NOME/RAZÓN SOCIAL           |             | PRIMEIRO APELIDO |                    | SEGUNDO APELIDO |            | NIF   |       |
|                             |             |                  |                    |                 |            |       |       |
| TIPO                        | NOME DA VÍA |                  |                    | NÚM.            | BLOQ.      | ANDAR | PORTA |
|                             |             |                  |                    |                 |            |       |       |
| PARROQUIA                   |             |                  |                    | LUGAR           |            |       |       |
|                             |             |                  |                    |                 |            |       |       |
| CÓDIGO POSTAL               | PROVINCIA   |                  | CONCELLO           |                 | LOCALIDADE |       |       |
|                             |             |                  |                    |                 |            |       |       |
| TELÉFONO 1                  | TELÉFONO 2  |                  | CORREO ELECTRÓNICO |                 |            |       |       |
|                             |             |                  |                    |                 |            |       |       |

| E, NA SÚA REPRESENTACIÓN (deberá acreditarse a representación fidedigna por calquera medio válido en dereito) |  |                  |  |
|---------------------------------------------------------------------------------------------------------------|--|------------------|--|
| NOME/RAZÓN SOCIAL                                                                                             |  | PRIMEIRO APELIDO |  |
|                                                                                                               |  |                  |  |
| SEGUNDO APELIDO                                                                                               |  | NIF              |  |
|                                                                                                               |  |                  |  |

| DATOS ESPECÍFICOS                     |                |
|---------------------------------------|----------------|
| Data de nacemento:                    | ... /... /.... |
| Data de inicio da xubilación parcial* | ... /... /.... |

\*O período de tempo que medie entre a data de inicio da xubilación parcial e aquela na que teña dereito á pensión de xubilación por cumprir os requisitos do artigo 205.1.a) do TRLXSS non pode superar 1 ano.

| DOCUMENTACIÓN QUE SE PRESENTA                                                                                                                                                                 |
|-----------------------------------------------------------------------------------------------------------------------------------------------------------------------------------------------|
| <input type="checkbox"/> Contrato/s de traballo                                                                                                                                               |
| <input type="checkbox"/> Informe de vida laboral                                                                                                                                              |
| <input type="checkbox"/> Nota informativa da entidade xestora da Seguridade Social sobre se a persoa reúne os requisitos para acceder á xubilación parcial na data indicada na súa solicitude |

\*O solicitante deberá estar vinculado coa empresa por contrato de traballo de duración indefinida, a xornada completa, incluída en réxime de pago delegado durante 6 anos ininterrompidos e inmediatamente anteriores.

| DATOS DO CENTRO DOCENTE |             |  |          |       |            | CÓDIGO DE CENTRO |       |
|-------------------------|-------------|--|----------|-------|------------|------------------|-------|
|                         |             |  |          |       |            |                  |       |
| TIPO                    | NOME DA VÍA |  |          | NÚM.  | BLOQ.      | ANDAR            | PORTA |
|                         |             |  |          |       |            |                  |       |
| PARROQUIA               |             |  |          | LUGAR |            |                  |       |
|                         |             |  |          |       |            |                  |       |
| CÓDIGO POSTAL           | PROVINCIA   |  | CONCELLO |       | LOCALIDADE |                  |       |
|                         |             |  |          |       |            |                  |       |

| E, NA SÚA REPRESENTACIÓN (deberá acreditarse a representación fidedigna por calquera medio válido en dereito) |  |                  |  |
|---------------------------------------------------------------------------------------------------------------|--|------------------|--|
| NOME/RAZÓN SOCIAL                                                                                             |  | PRIMEIRO APELIDO |  |
|                                                                                                               |  |                  |  |
| SEGUNDO APELIDO                                                                                               |  | NIF              |  |
|                                                                                                               |  |                  |  |

| DATOS DO CENTRO PARA OS EFECTOS DE NOTIFICACIÓN                                                                                                                                                                                                                                                                                                                                                                                                                                                                                |                    |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------|
| <p>Todas as notificacións ás persoas interesadas realizaranse só por medios electrónicos a través do Sistema de notificación electrónica de Galicia-Notifica.gal <a href="https://notifica.xunta.gal">https://notifica.xunta.gal</a></p> <p>Só se poderá acceder á notificación co certificado electrónico ou Chave365.</p> <p>Enviaranse avisos da posta á disposición da notificación no correo electrónico e/ou teléfono móbil facilitados a seguir e que poderán cambiar en calquera momento a través de Notifica.gal:</p> |                    |
| TELÉFONO MÓBIL                                                                                                                                                                                                                                                                                                                                                                                                                                                                                                                 | CORREO ELECTRÓNICO |
|                                                                                                                                                                                                                                                                                                                                                                                                                                                                                                                                |                    |

| SINATURA DA PERSOA SOLICITANTE OU REPRESENTANTE | SINATURA DA REPRESENTACIÓN DO CENTRO |
|-------------------------------------------------|--------------------------------------|
|                                                 |                                      |
| Lugar e data                                    |                                      |
|                                                 |                                      |
| de                                              | de                                   |

